

諸葛忠武侯兵法

一函
一冊

本傳

諸葛亮字孔明琅琊陽都人也漢司隸校尉謫葛豐後也父珪字君貢漢末為
永山郡丞亮早孤從父玄為衮術所署豫章太守亮及亮弟均之官會漢
朝更選朱皓代玄玄素與荆州牧劉表有舊往依之至平亮躬耕龍陂好為梁
父吟身長八尺每自比於管仲樂毅時人莫能與圖惟博陵崔州平頌川徐庶
元直與亮友善謂為信然時先帝屯新野徐庶見先帝先帝器之謂先帝曰諸
葛孔明臥龍也將軍豈願見之乎先帝曰君與俱來庶曰此人可就見不可屈
致也將軍宜枉駕顧之由是先帝遂詣亮凡三往乃見因屏人曰漢室傾頽姦
臣竊命主上蒙塵孤不量德度力欲信大義於天下而智術淺短遂用猖獗至
於今日然志猶未已君謂計將安出亮答曰自董卓以來豪傑並起跨州連郡
者不可勝數曹操比於袁紹則名微而衆寡然操遂能克紹以弱為彊者非惟
天時抑亦人謀也今操已擁百萬之衆挾天子以令諸侯此誠不可與爭鋒孫
權據有江東已歷三世國險而民附賢能為之用此可以為援而不可圖也荆
州北據漢沔利盡南海東連吳會西通巴蜀此用武之國而其主不能守此殆

天所以資將軍將軍豈有意乎益州險塞沃野千里天府之土高祖因之以成
帝業劉璋闇弱張魯在北民殷且富而不知存恤智能之士思得明君將軍既
帝室之胃信義著於四海總攬英雄思賢如渴若跨有荆益保其巖阻西和諸
戎南撫蠻越外結好孫權內修政理天下有變則命一上將將荊州之軍以向
宛洛將軍身率益州之眾以出秦川百姓孰敢不箪食壺漿以迎將軍者乎誠
如是則霸業可成漢室可興矣先帝曰善於是與亮情好日密關羽張飛等不
悅先帝解之曰孤之有孔明猶魚之有水也願諸君勿復言羽飛乃止劉表長
子琦亦深器亮表受後妻之言愛少子琮不悅於琦琦每欲與亮謀自安之術
亮輒拒塞未與處畫琦乃將亮遊觀後園共上高樓飲之間令人去梯因謂
亮曰今日上不至天下不至地言出于口入於吾耳可以言未亮答曰君不見
申生在內而危重耳在外而安乎琦意感悟陰規出計會黃祖死得出遂為江
夏太守俄而表卒琮聞曹公來征遣使請降先帝在樊聞之率其眾南行亮與
徐庶並從為曹公所追破獲庶母庶辭先帝而指其心曰本欲與將軍共圖王
霸之業者以此方寸之地也今已失老母方寸亂矣無益於世請從此別遂詣

編輯諸葛忠武侯兵書自序

按蜀志本傳諸葛氏集目錄二十四篇凡十萬四千一百一十二字晉書陳壽傳壽撰蜀相諸葛亮集奏之即蜀志之二十四篇也非獨衆其文並其言與事而亦載之華陽國志云時壽良亦集故頗不同隋志諸葛集二十五卷唐志二十四卷中興書目亮集十四卷後二卷錄傳及碑記其前十二篇章句頗多字數乃少明王士禛集武侯全書二十卷楊時偉以王書蕪累更撰諸葛忠武全書十卷亦無財擇本朝朱璘輯諸葛武侯集二十卷遂寧張鵬翮之忠武志全襲之庸俗詩文盈汙篇牘侯諸著作反多遺漏張氏又增白浮鳩一篇乃吳人苦孫皓之暴而吟者亦混簡編其疏可知澍摭采散逸較諸本增益倍蓰編文集四卷附錄二卷別撰諸葛故事四卷都為十一卷而論之曰諸葛氏之相季漢也九州鼎沸尺土無階決策投誠式啟疆宇赤兄之日再中謹慎之懷彌固謂非伊呂同儔而管樂為伍哉觀其討賊自効北出南征將窮詐力於瘴癘之鄉脫赤子於豺狼之吻酋帥七禽祁山六出獲懾天威懿甘巾幗斯其將略何如邪若乃託孤受寄忠盡篤恭至不疑偏下不忌傾吏革姦頑民安勞苦殫心

無輕重之倚峻法泯秋毫之怨此賢愚咸忘其身仇敵亦仰其治與儻天心神
漢大井復然虎視龍驤吞吳并魏縣金刀之甲子拓王聖之山川吾知禮樂可
興刑法可措雖留侯之贊草創高密之朔中興亦難方茲籌策並乃宏規何以
渭濱之師未捷郭塢之星遽隕黃皓媚子箕舌遂張譙周老臣降表斯送豈非
數哉彼崔浩纖生笑其委棄荊州退入巴蜀誘奪劉璋偽連孫氏守窮崎嶇之
地僭號邊陲之間可與趙佗為偶難與蕭曹為亞是乃不知時勢之莠言也若
薛能吟詩姍其才薄呂溫作記訾其昧義俞文豹責其不忠於漢比諸盆子葉
龍泉妄作習學之記儕于公孫尤為贅論不足置辯矣昔司空張華謂李密曰
孔明言教何碎密曰昔舜禹臯陶相與語故得簡大雅誥與凡人言宜碎孔明
與言者無已敵言教是以碎耳嗚呼讀忠武文者當以是求之

曹公先帝至於夏口亮曰事急矣請奉命求救於孫將軍時權擁軍在樊桑觀望成敗亮說權曰海內大亂將軍起兵據有江東劉豫州亦收衆漢南與曹操並爭天下今操芟夷大難略已平矣遂破荊州威震四海英雄無所用武故豫州遁逃至此將軍量力而處之若能以吳越之衆與中國抗衡不如早與之絕若不能當何不繫兵東甲北面而事之今將軍外託服從之名而內懷猶豫之計事急而不斷禍至無日矣權曰苟如君言劉豫州何不遂事之乎亮曰田橫齊之壯士耳猶守義不辱況劉豫州王室之胄英才蓋世衆士仰慕若水之歸海若事之不濟此乃天也安能復為之下乎權勃然曰吾不能舉全吳之地十萬之衆受制於人吾計決矣非劉豫州莫可以當曹操者然豫州新敗之後安能抗此難乎亮曰豫州軍雖敗於長坂今戰事還者及關羽水軍精甲萬人劉琦合江夏戰士亦不下萬人曹操之衆遠來疲敝聞追豫州輕騎一日一夜行三百餘里此所謂強弩之末勢不穿魯縞者也故兵法忌之曰必厭上將軍且北方之人不習水戰又荊州之民附操者偪兵勢耳非心服也今將軍誠能命猛將統兵數萬與豫州協規同力破曹軍必矣操軍破必北還如此則荆吳之

勢強鼎足之形成矣成敗之機在於今日權大悅即遣周瑜程普魯肅等水軍三萬隨亮詣先帝并力拒曹公曹公敗於赤壁引軍歸鄴先帝遂收江南以亮為軍師中郎將使督零陵桂陽長沙三郡調其賦稅以充軍實建安十六年益州牧劉璋遣法正迎先帝使擊張魯亮與關羽鎮荊州先帝自葭萌還攻璋亮與張飛趙雲等率眾沂江分定郡縣與先帝共圖成都成都平以亮為軍師將軍署左將軍府事先帝外出亮常鎮守成都足食足兵二十六年羣下勸先帝稱尊號先帝未許亮說曰昔吳漢耿弇等初勸世祖即帝位世祖辭讓前後數四耿純進言曰天下英雄喁喁冀有所望如不從議者士大夫各歸求主無為從公也世祖感純言深至遂然諾之今曹氏篡漢天下無主大王劉氏苗裔紹世而起今即帝位乃其宜也士大夫隨大王久勤苦者亦欲望尺寸之功如純言耳先帝於是即帝位策亮為丞相曰朕遭家不造奉承大統兢兢業業不敢康寧思靖百姓懼未能綏於戲丞相亮其悉朕意無怠輔朕之闕助宣重光以昭明天下君其勗哉亮以丞相錄尚書事假節張飛卒後領司隸校尉章武三年春先帝於永安病篤召亮於成都屬以後事謂亮曰君才十倍曹丕必能安

國終定大事若嗣子可輔輔之如其不才君可自取亮涕泣曰臣敢不竭股肱之力效忠貞之節繼之以死先帝又為詔策後帝曰汝與丞相從事事之如父建興元年封亮武鄉侯開府治事頃之又領益州牧政事無巨細咸決於亮南中諸郡並皆叛亂亮以新遭大喪故未便加兵且遣使聘吳因結和親遂為與國三年春亮率衆南征其秋悉平軍資所出國以富饒乃治戎講武以俟大舉五年率諸軍北駐漢中臨發上疏遂行屯於沔陽六年春揚聲由斜谷道取郿使趙雲鄧芝為疑軍據箕谷魏大將軍曹真舉衆拒之亮身率諸軍攻祁山戎陳整齊賞罰肅而號令明安南天水安定三郡叛魏應亮關中響震明帝西鎮長安命張郃拒亮亮使馬謖督諸軍在前與郃戰於街亭謖違亮節度舉動失宜大為郃所破亮拔西縣十餘家還於漢中戮謖以謝衆上疏請自貶於是亮為右將軍行丞相事所總統如前冬亮復出散關圍陳倉曹真拒之亮糧盡而還魏將王雙率騎追亮亮與戰破之斬雙七年亮遣陳式攻武都陰平魏雍州刺史郭淮率衆欲擊式亮自出至建威淮退還遂平二郡詔策亮曰街亭之役咎由馬謖而君引愆深自貶抑重違君意聽順所守前年耀師馘斬王雙今

言言正任
歲爰征郭淮遁走降集氏羌興復二郡威震凶暴功勲顯然方今天下騷擾元惡未梟君受大任幹國之重而久自挹損非所以光揚洪烈矣今復君丞相君其勿辭九年亮復出祁山以木牛運糧盡退軍與魏將張郃交戰射殺郃十二年春亮悉大衆由斜谷出以流馬運糧武功五丈原與司馬宣王對於渭南亮每患糧不繼使己志不伸是以分兵屯田為久住之基耕者雜於渭濱居民之間而百姓安堵軍無私焉相持百餘日其年八月亮疾病卒於軍時年五十四及軍退宣王素行其營壘處所曰天下奇才也亮遺命葬漢中定軍山因山為墳冢足容棺殮以時服不須器物詔策曰惟君體資文武明睿篤誠受遺託孤匡輔朕躬繼絕興微志存靖亂爰整六師無歲不征神武赫然威震八荒將建殊功於李漢參伊周之巨勲如何不弔事臨垂克遺疾隕喪朕用傷悼肝心若裂夫崇德序功紀行命謚所以光昭將來刊載不朽今使使持節左中郎將杜瓊贈君丞相武鄉侯印綬謚君為忠武侯魂而有靈嘉茲寵榮嗚呼哀哉嗚呼哀哉初亮自表後主曰成都有桑八百株薄田十五頃子弟衣食自有餘饒至於臣在外任無別調度隨身衣食悉仰於官不別治生以長尺寸若臣死之日

不使內有餘帛外有贏財以負陛下及卒如其所言亮性長於巧思損益連弩木牛流馬皆出其意推演兵法作八陳圖咸得其要云亮言教書奏多可觀別為一集景耀六年春詔為亮立廟沔陽秋魏鎮西將軍鍾會征蜀至漢川祭亮之廟令軍士不得於亮墓所左右芻牧樵採亮弟均官至長水校尉亮子瞻嗣爵

評曰諸葛亮之為相也撫百姓示儀規約官職從權制開誠心布公道盡忠益時者雖讐必賞犯法怠慢者雖親必罰服罪輸情者雖重必釋游辭巧飾者雖輕必戮善無微而不賞惡無纖而不貶庶事精鍊物理其本循名責實虛偽不齒終於邦域之內咸畏而愛之刑政雖峻而無怨者以其用心平而勸戒明可謂識治之良才管蕭之亞匹也

諸葛忠武侯年譜

武威張澍介侯編輯

年譜

辛酉漢孝靈帝光和四年

是歲侯生按建興十二年甲寅秋丞相亮卒於軍時年五十四始知為辛

酉年生

皇子協生即獻帝

壬戌光和五年

是歲以災異博問得失議郎曹操上書切諫

癸亥光和六年

初鉅鹿張角以妖術分遣弟子轉相誑誘遂置三十六方大方萬餘人小方六七千猶將軍也各立羣帥訛言蒼天死黃天當立以中常侍為內應約明年甲子內外俱起

甲子中平元年

春角弟子唐周上書告之。詔三公司隸案驗有事角道者。誅殺千餘人。下冀州逐捕角等。馳勅諸方。一時俱起。皆著黃巾。故謂黃巾賊。帝詔羣臣會賊大赦天下黨人。

昭烈得河東關羽。同郡張飛。並以壯烈為之禦侮。

夏五月。昭烈舉義兵。率其屬從校尉鄒靖討黃巾賊有功。

丑中平二年

廷尉崔烈為司徒。因傳母入錢五百萬。時人謂之銅臭。

丙中平三年

前太尉張延為官人所譖。下獄死。

諫議大夫劉陶言天下大亂。皆由宦官。宦官譖陶下獄死。

前司徒陳耽忠正。宦官患之。陷死獄中。

丁中平四年

大司農曹嵩為太尉。

長沙賊區星自稱將軍。詔以議郎孫堅為長沙太守。區星滅。封堅為程侯。

零陵人觀鵠自稱平天將軍。寇桂陽。堅擊斬之。

戊辰 中平五年

益州黃巾馬相攻殺刺史卻儉。自稱天子。又寇巴郡。殺郡守趙部。益州從事賈龍擊相斬之。

太常劉焉建議以刺史威輕。宜改置牧伯。侍中董扶私謂焉曰。益州有天子氣焉。乃求為益州牧。州任之重自此始。

己巳 中平六年

靈帝崩。皇子辨即皇帝位。

大將軍何進謀誅宦官不就。為張讓段珪等所殺。袁紹勒兵捕諸宦官。無少長悉誅之。召董卓將兵詣京師。卓廢帝立陳留王協。袁紹奔冀州。昭烈起兵討董卓。

庚午 漢孝獻帝初平元年

董卓自為太尉。加鈇鉞虎賁。卓旋為相國。

關東諸郡起兵討董卓。推袁紹為盟主。卓遷帝長安。

是歲昭烈領平原相以關羽張飛為別部司馬

孫堅殺荊州刺史王叡

劉表為荊州刺史

辛未初平二年

董卓自為太師

長沙太守孫堅起兵討董卓戰於陽人大破之卓請和堅不許卓發掘洛陽諸陵遂入長安堅旋入洛陽修諸陵平塞卓所發掘

袁紹使人說韓馥馥讓紹為冀州牧

袁術遣孫堅擊劉表於襄陽表將黃祖部曲射殺堅堅子策年十七欲復讐至壽春見術術以策父兵千餘還策表為懷義校尉

壬申初平三年

王允使呂布殺董卓卓將校求赦不許武威賈翊勸李傕郭汜樊稠張濟為卓報讐大戰長安中允被殺李傕等並自為將軍

癸酉初平四年

袁術殺揚州刺史陳溫據淮南

曹操攻徐州牧陶謙初操父嵩避難琅邪為謙別將士卒所殺操引兵擊謙坑殺男女數十萬攻其三縣皆屠之雞犬亦盡

甲興平元年

揚州刺史劉繇與袁術將孫策戰於曲阿繇軍敗績孫策遂據江東陶謙卒眾推昭烈領徐州牧

乙興平二年

李傕郭汜共同燒宮殿帝幸弘農長安城空四十餘日

侯早孤從父玄為袁術所署豫章太守將侯及侯弟均之官會漢更選朱皓代玄玄素與荊州牧劉表有舊往依之玄卒侯寓南陽襄鄧間

丙建安元年

車駕至洛陽曹操自領司隸校尉錄尚書事迎天子遷都於許操自為司空行車騎將軍事

袁術攻昭烈以爭徐州呂布襲下邳昭烈敗走歸曹操表昭烈為鎮東

將軍旋表為豫州牧使東擊布。

孫策取會稽太守王朗迎降策自領會稽太守。

丁建安二年

袁術自稱天子。

袁紹自為大將軍。

韓暹楊奉寇略徐揚間昭烈邀擊斬之。

戊建安三年

侯與徐元直孟公威石廣元游學三人為學務於精熟侯獨觀其大旨每晨夕從容抱膝長吟。

曹操禽呂布於徐州昭烈從操歸許表為左將軍。

卯建安四年

荊州牧劉表不修職貢多行僭偽郊祀天地擬斥乘輿詔書班下其事。

孫策徇豫章太守華歆降。

初車騎將軍董承偏將軍王服越騎校尉种輯稱受帝衣帶中密詔與昭